

四庫全書

史部

欽定四庫全書

史部

郡齋讀書志卷五下

詳校官侍講學士臣法式善

編修臣程嘉謨覆勘

總校官檢討臣何思鈞

校對官學正臣翁樹棠

謄錄監生臣權懷士

欽定四庫全書

郡齋讀書志卷五上

宋 趙希弁 撰

附志

經類

石經周易

右周易十卷經註六萬六千八百四十四字將仕郎守國子助教臣楊鈞朝議郎守國子毛詩博士柱國臣孫

逢吉書

石經尚書

右尚書十三卷經註并序八萬一千九百四十四字將
仕郎試秘書省校書郎臣周德貞書鐫王冊官陳德超
鐫

石經毛詩

右毛詩二十卷經註一十四萬六千七百四十字將仕
郎試秘書省校書郎張紹文書

石經周禮

右周禮十二卷經註一十六萬三千一百單三字將仕郎試秘書省校書郎孫明吉書

石經儀禮

右儀禮十七卷經註一十六萬五百七十三字將仕郎試秘書省校書郎張紹文書

石經禮記

右禮記二十卷經註十九萬六千七百五十一字卷首

題曰御刪定禮記月令第一集賢院學士尚書左僕射
兼右相吏部尚書修國史上柱國晉國公臣林甫奉勅
註曲禮為第二蓋唐明皇刪定之本也將仕郎試秘書
省校書郎張紹文書

石經春秋

右春秋經傳集解二十卷經註并序三十四萬五千一
百四十四字不題所書人姓氏

石經公羊

右公羊十二卷經註一十三萬一千五百一十四字不
題所書人姓氏

石經穀梁

右穀梁十二卷經註八萬一千六百二十字不題所書
人姓氏

石經論語

右論語十卷經註并序三萬五千三百六十八字將仕
郎前守簡州平泉縣令兼殿中侍御史賜緋魚袋張德

劉書潁川郡陳德謙鐫字

石經孝經

右孝經一卷經註并序四千九百八十五字不題所書人姓氏但題潁川郡陳德謙鐫字

石經孟子

右孟子十四卷不題經註字數若干亦不題所書人姓氏

石經爾雅

右爾雅三卷將仕郎前守簡州平泉縣令賜緋魚袋張
德釗書武令昇鐫不題經註字數若干

以上石室十三經蓋孟昶時所鐫故周易後書廣政十
四年歲次辛亥五月二十日唯三傳至皇祐初方畢故
公羊傳後書大宋皇祐元年歲次己丑九月辛卯朔十
五日乙巳工畢又書將仕郎試國子四門助教州學講
說何維翰將仕郎試秘書省校書郎州學說書黃東儒
林郎試秘書省校書郎守華陽縣尉州學勾當王尚詰

欽定四庫全書

卷五上

朝奉郎秘書省著作佐郎簽署節度判官廳公事武騎尉管勾州學華叅奉直郎尚書屯田員外郎通判軍州兼管內橋道勸農事及提舉渠堰騎都尉借緋提舉州學解程朝奉郎尚書屯田員外郎通判軍州兼管內勸農事及提舉渠堰輕車都尉借緋提舉州學聶世卿提點益州路諸州軍州獄兼本路勸農提舉渠堰公事朝奉郎尚書比部員外郎護軍借紫孫長卿益州路諸州水陸計度轉運使兼本路勸農使朝奉郎尚書刑部員

外郎直史館上騎都尉賜緋魚袋借紫曹穎叔樞密直
學士朝散大夫右諫議大夫知益州軍州事兼管內橋
道勸農使充益利路屯駐駐泊本城兵馬鈐轄提舉益
利路諸州軍兵甲巡檢賊盜公事上騎都尉京兆郡開
國侯食邑一千戶賜紫金魚袋田況

春秋穀梁傳註疏二十卷

右唐國子四門助教楊士勛撰昭德先生讀書志中有
諸經註疏獨無穀梁註疏云

經解類

經說三十卷

右晦菴先生朱文公熹仲晦之說也易說啟蒙三卷大
易問答兩卷尚書問答三卷毛詩問答一卷禮記問答
一卷中庸問答二卷大學問答二卷周禮春秋問答一
卷論語問答并拾遺八卷孟子問答并拾遺并孝經刊
誤四卷附太極解義太極問答西銘解義問答三卷通
為三十卷邵武黃大昌鄱陽王迂編次凡六經之要旨

論孟之奧義悉可以類而求之延平廖德明為之序

大易粹言七十卷總論三卷

右集明道先生程顥伯淳伊川先生程頤正叔橫渠先生張載子厚廣平游酢定夫龜山楊時中立兼山郭忠孝立之白雲郭雍子和之說也舒守曾種序

紫巖易傳十卷

右紫巖居士魏國張忠獻公浚德遠所著也

誠齋易傳二十卷

右誠齋先生楊文節公萬里廷秀所著自為之序

周易本義十卷

右晦菴先生朱文公熹仲晦所定也發例筮儀附

周易繫辭精義二卷

右東萊先生呂成公祖謙伯恭所集也

周易玩辭十六卷

右平菴項安世平父所述也自叙於前其為說曰君子居則觀其象而玩其辭動則觀其變而玩其占讀易之

法盡於此矣程子平生所著獨易傳為全書今以其所得於易傳者述為此書而其文無與易傳合者合則無用述此書矣其子寅孫刊於建安書院樂章識於後

周易總義二十卷

易學舉隅四卷

右山齋易祓彥章所著也陳章李壘為之序易學舉隅亦祓所著傳疑之說附於後

二五君臣論一卷

右胡寅明仲閭丘昕逢辰二侍郎之論也六十四卦各為之說南軒先生張宣公拭為之序

卦圖系述五卷

右卦圖三卷皇極經世篇系述二卷康節邵先生之說而先生之子伯溫所學也簡池趙震欽而列之

皇極經世指要二卷

右蔡元定季通所序也以伏羲卦圖列之於前而以皇極經世疏之於後季通建陽人朱文公之益友始辭聘

命終預黨名嘉定更化贈以初品

著卦辨疑三卷

右上卷康節先生撰著法橫渠先生大衍說伊川先生撰著法兼山郭先生著數說下卷則辨證也兼山之子雍為之序謝艮齋識其後云

卦氣圖一卷

右祝融樂洪德秀所著也河南郭雍為之序德秀嘗從文定胡公父子游取飲水曲肱之義名所居之堂故號

曲肱先生云

象文說二卷

右武林吳準齋如愚所著也一則明象二則明文喬文惠公行簡嘗薦之曰成忠郎吳如愚隨身右列尋即隱居雖在都城而杜門不出臣欲識之而不可得其人行醇而介氣直而溫講道窮經賸有著述欲乞特與換授從事郎併與秘閣校勘有旨從之而如愚不受

書說六卷

右東萊先生呂成公祖謙之說也自洛誥至秦誓凡一十七篇或謂先生之說始於秦誓上至洛誥而止云

書說精義三卷

右西山先生真文忠公德秀之說也

書集傳六卷

右晦菴先生朱文公訂正而武夷蔡沈集傳也沈自序于前其子奉議郎秘書省著作佐郎兼權右侍郎官兼樞密院編修官兼諸王官大小學教授杭進於朝沈字

仲默號九峰先生真西山撰其墓表今附於後

詩集傳二十卷

右晦菴先生朱文公所定也江西漕趙崇憲刻于計臺而識其後

周禮說三卷

右朝奉郎秘書少監陳傅良所進也舊刊于止齋文集
中曹叔遠別為一書而刻之且為之說

周禮攷疑七卷

右祝融居士樂思忠仲恕所著也永嘉戴溪肖望豐城
劉德秀仲洪為之序

周禮總義三十卷

右山齋易祓所著也許儀為之序刻于衡陽

禮記要義二卷

右荆國文公王安石介甫所著也

中庸章句一卷或問二卷

中庸輯畧二卷

大學章句一卷或問二卷

右晦菴先生既定著章句于經文之下又述平時問答所疑以為或問中庸又述輯畧兩卷蓋集伊洛諸儒之說也希弁所藏各兩本嶽麓書院精舍及白鹿洞書院所刊者

春秋集解三十卷

右東萊先生所著也長沙陳邕和父為之序

春秋左氏後傳十二卷

春秋左氏章指十七卷

右止齋陳傳良所著也四明樓忠簡公鑰序其前清海
崔清獻公與之識其後而刻於維揚郡序

春秋左氏國紀二十卷

右清江徐得之所編也自周而下各繫以國又因事而
為之論斷止齋陳傳良序之

春秋左氏博議二十五卷

右東萊先生所著也自為之序

春秋分記九十卷

右克齋程公說伯剛所編也其弟公許守宜春刻於郡齋游丞相似為之序

左氏連璧八卷

右三山葉儀鳳子儀撰乃對偶之書也

三傳分門事類十二卷

右莫詳誰氏所編以類相從而分其門也

論語筆解十卷

右唐昌黎先生韓文公之說也其間翱曰者李習之也
始愈筆大義以示翱翱從而交相明辨非獨文公制此
書也韓文補云公作論語傳未成而沒見於張藉祭詩
辨之於洪慶善者明矣今世所傳如宰子晝寢以晝作
晝子在齊聞韶三月不知肉味以三月作音浴乎沂以
浴作浴子在回何敢死以死作先之類雖未必然而為
伊川之學者皆取之此本乃秘書丞許勣所序者

論語直解十卷

右漢上先生朱文定公震所著也紹興五年夏肇建資善堂時孝廟富於春秋文定以起居郎與宗正卿范公冲同為翊善朝論皆以為極天下之選此解資善堂錄本也其孫繼先刻於瀏陽學舍而識其後

孟子解兩卷

右和靜先生尹侍講焞所著也先生乃伊川之高弟欽宗累聘不起賜號和靜紹興初再以崇政殿說書召既侍講筵首解論語以進繼解孟子甫及終篇而卒此本

乃邢正夫刻於岳陽泮宮者

論語解二十卷

孟子解三十六卷

右無垢先生張文忠公九成子韶所著也

論語精義十卷

孟子精義十四卷

右明道伊川橫渠三先生成都范氏滎陽呂氏藍田呂氏上蔡謝氏建安游氏延平楊氏河東侯氏河南尹氏

十一人之說晦菴先生所編集也初曰精義後改集義
卷末淳熙辛丑冬至前五日點畢十一字乃先君子戒
菴居士師同手澤也

論語集註十卷

孟子集註十四卷

右朱文公所著也先生之於語孟始集程張呂范十一
人之說以為集義既又本之註疏叅之釋文採之儒先
斷之詳說以為集註語孟之精微蓋萃於此書矣希弁

所藏各兩本嶽麓白鹿洞所刊也

論語說三卷

孟子說七卷

右南軒先生張宣公栻敬夫所著也

論語註義問答通釋一十卷

右勉齋黃先生幹通釋晦菴先生集註或問之書也

孝經義一卷

右荆國文公王安石所著也凡十七章喪親章闕之

孝經刊誤一卷

右朱文公所定也皆以古文為正惟傳之六章或從今
文廬山胡冰叙於後

小學類

弟子職一卷

右弟子職一書雜見於管子之篇朱文公揭其入學受
業事師之法以為章句參以衆說輔其註文云

叙古干文一卷

右致堂先生胡寅明仲所作也南康黃西坡灝商伯為之傳晦菴朱文公題其後曰叙事立言昭陳法式實有春秋經世之志至於發明道統開示德門又於卒章深致意焉新學小童朝夕誦之而諷其義亦足以養正於蒙矣

續千文一卷

右佐朝散大夫知池州軍州事賜紫金魚袋侍其瑗字良器所著也昔周興嗣次王逸少所書千字為韻語以

便觀省後世謂之千文良器遷避興嗣所用字別製千言以續之山谷嘗抵以書曰引辭連類使不相舐觸甚有功當與凡將急就並行也葛文康公勝仲為之序

百體書千文一卷

右艮齋謝公諤題其後曰神剡天畫千類萬狀豈止汲冢魯壁周鼓秦山耶

敘古蒙求一卷

右五峰先生胡宏所著也自羲農至於五代周凡三十

章毛以謨為之序先生之子大壯書而刻之

通鑑韻語九卷

右黃日新齊賢所著也大畧如李瀚蒙求四言體而列其事於左方周平園朱晦翁洪容齋謝艮齋楊誠齋樓攻愧諸老先生皆為之序齊賢臨川人

字義三卷

右北溪陳淳安卿所著也安卿臨潼人

史韻四十九卷

右回谿錢諷正初所編也依唐韻分四聲而以十士史之句註於下諷錢塘人鄭僑錢文子為之序

篆韻五卷

右徐鉉序蓋其弟錯所集也鉉字鼎臣仕南唐為昭文館學士入朝為太子率更令太平興國初詔以本官直學士院錯字楚金仕南唐為右內史舍人卒李煜贈之禮部侍郎云

隸韻七卷

右洪文惠公适隸釋序冠於前周益公誌其神道碑云
耽嗜隸古為纂釋二十七卷隸續二十一卷

十二先生詩宗集韻二十卷

右裴良甫師聖編杜甫李白高適韓愈柳宗元孟郊歐
陽修曾鞏蘇軾王安石黃庭堅陳無已之詩韻也

史類

補史記一百三十卷

右唐司馬貞補司馬遷之書也補三皇紀於五帝之前

每篇各註索隱之說以百三十篇贊附於每篇之末希
并嘗考諸家之說為讀史補註一書頗加詳焉

古史六十卷

右蘇文定公轍所作也自伏羲神農訖秦始皇帝為七
本紀十六世家三十七列傳以補司馬遷之缺云

西漢刊誤一卷東漢刊誤一卷

右宣德郎守太常博士充國子監直講劉攽所撰也仁
宗讀後漢書見墾田字皆作懇字使侍中傳詔中書使

刊正之歟為學官遂刊其誤為一書云

西漢補遺一卷

右何備德輔補西漢之遺文也蓋東哲補詩之義耳希
弁嘗讀其皇太子遺四皓書及侯公說項羽辭因思昔
東坡先生亦嘗為侯公說項羽辭載於集中而商芸小
說載張良所與商山四皓書則世所罕見也其書曰良
白仰惟先生秉超世之殊操身在六合之間志凌造化
之表但自大漢受命禎靈顯集神母告符足以宅兆民

之心先生當於此時耀神爽乎雲霄濯鳳翼於天漢使
九門之外有非常之客北闕之下有神氣之賓而淵潛
山隱竊為先生不取也良以頑薄承乏忝官所謂絕景
不御而駕服駑駘方今元首欽明文思百揆之佐立則
延首坐則引領日仄而方文不御夜眠而閭闔不閉蓋
皇極須日月以揚光后土待嶽瀆以導滯而當聖世鸞
鳳林栖不翔乎太清騏驎嶽遁不步乎郊藪非所以寧
八荒慰六合也不得侍省展布腹心畧寫至言想望翻

然不猜其意張良白備乾道中權工侍兼權直院

西漢補註一十卷

右國子博士吳莘商卿所著也倪思為之序

史記法語十卷

前漢法語二十卷

東漢精語十六卷

三國志精語六卷

右鄱陽洪文敏公邁所著也

東都事畧一百三十卷

右承議郎知龍州王稱所進也本紀十二世家五列傳一百五附錄八間為贊論以發揚之以其國都大梁以前之事故謂之東都然其中疎駁甚多稱眉山故禮部侍郎賞之子此書既進遂直中秘云

編年類

皇王大紀八十卷

右五峰先生胡宏所述皇帝王伯之事始於盤古氏而

終於周之末自堯以上六閔逢無紀堯之初載迄於赧
王乙巳二千有三十年貫通經典採摭史傳靡所不載
又因事而為之論所以述去取之原釋疑似之惑者至
矣先生字仁仲文定公之季子自幼有志於道嘗見楊
中立於京師又從侯師聖於荆門而卒傳文定公之學
紹定戊子希弁生父師回為衡山令嘗奉朝旨索其書
云

通史緣起二十卷

右會稽胡衛之作也其說謂伏羲氏神農氏軒轅氏三皇也少昊氏高陽氏高辛氏合唐虞氏五帝也不可不備乃推盤古以來衆說之異同雖十紀浩茫難以年考而傳疑傳信有理存焉衛嘗仕於朝云

晉春秋二十卷

右隋秘書省正字杜延業所述其自序云蕭方等採削羣史著三十國春秋囊括兩晉之言網羅諸國之事以晉國為主附列二十九國延業刪緝題曰晉春秋載於

唐書藝文志

南北征伐編年二十卷

右吳曾編集自漢獻帝迄於周世宗其意謂資治通鑑征伐之事雜見於列國言動之間讀者不得專一稽攷至南北議論亦未詳盡遂效其體凡一征一伐靡所不載紹興辛巳金人涖盟廟堂知有是書嘗取以備乙覽云曾字虎臣撫之崇仁人京文忠公鏜為之序

五代春秋五卷

右河南先生尹洙師魯所作也由梁太祖開平元年四月甲子迄於周顯德七年正月甲辰

資治通鑑綱目五十九卷序例一卷

右晦菴先生朱文公所編也司馬文正既為資治通鑑又別為目錄及舉要歷胡文定復修舉要補遺朱文公因文正文定兩公四書別為義例表歲以首年而因年以著統大書以提要而分註以備言其綱做春秋而叅取羣史之長其目效左傳而稽合諸儒之粹真德秀刻

於泉南陳孔碩李方子叙其後希弁所藏夔本為板四千二百有奇吉本二千八百而且無陳李二公之序希弁又嘗叅以泉本校其去取之不同并考溫公文公之書法為資治通鑑綱目考異淳祐丙午秘書省嘗下本州借本書寫云

資治通鑑綱目提要五十九卷

右資治通鑑綱目提要存其綱而去其目如春秋之經也希弁所藏乃趙希槩刻於廬陵者

續資治通鑑長編九百四十六卷

右巽巖先生李文簡公燾仁甫所修也太祖至英宗一百七十五卷神宗朝二百二十八卷哲宗朝二百二十卷徽宗朝三百二十三卷其書做司馬氏通鑑踵為之然燾謙抑不敢名續通鑑但謂續長編蜀帥汪應辰嘗乞給筆札以寫藏秘閣乾道六年正月令秘書省依通鑑紙樣及字樣大小繕寫一部仍將燾銜位於卷首依司馬光銜位書寫進入燾之卒也上語宇文价云朕嘗

許燾大書續資治通鑑長編七大字且用神宗賜司馬
光故事為序冠篇不謂其止此也希弁所藏蜀本視書
坊所刊者為詳希弁嘗為續資治通鑑長編補註一書
以補詔勅奏篇等闕云

國朝編年政要四十卷

右兵部尚書太子詹事蔡文懿公幼學所編也自太祖
建隆之元迄於欽宗靖康之末祖春秋之法而參以司
馬公舉要歷呂氏大事記之例宰輔拜罷表諸年首其

子朝請大夫直秘閣提舉福建路常平義倉茶事籥叙而刻之

皇朝編年備要二十九卷

中興編年備要十卷

右壺山陳均所編其書用國史實錄等書為編年體例起於建隆迄於淳熙書法蓋微倣綱目之例而加斟酌焉真德秀鄭性之林岳皆為之序

開基事要十卷

右朝奉郎秘書少監皇子嘉王府贊讀陳傅良所進也
自建隆之初迄開寶之末亦曰建隆編曹叔遠序而刻
之

仁宗君臣政要四十卷

右文林郎守秘書丞監閬州商稅院市買稅鹽臣張唐
英編進起天聖終嘉祐詔令刑政之要禮樂選舉之法
郊廟祭祀邊鄙備禦罔不備錄其門名臣得其家世之
詳者為之立傳否則闕之唐英字次功自號黃松子

續紀年通譜一卷

右宣議郎致仕畢仲荀續宋元憲公紀年通譜之書也
元憲止於慶厯辛巳仲荀起於慶厯壬午而迄於徽宗
丁未錄二百卷

右左修職郎監臨安府都鹽倉李丙所編也上帙起召
王安石為翰林學士迄於神宗皇帝升遐中帙起宣仁
聖烈垂簾除呂公著侍讀迄於宣仁聖烈祔廟下帙起
李清臣進策題迄於誅童貫安石之召竇治平丁未之

所始故以丁未名之

三朝北盟集編二百五十卷集補五十卷

右朝散大夫充荆湖北路安撫司參議官徐夢莘編集
上帙起政和七年七月庚寅終宣和七年十二月庚申
中帙起宣和七年十二月庚申終靖康二年四月丁亥
下帙起建炎元年五月庚寅終紹興三十二年四月丁
亥集補則補其遺也

建炎以來中興繫年要錄二百卷

右陵陽布衣李心傳微之所修也知瀘州許奕奏進之
修國史曾曄又嘗乞令其弟太常博士道傳繳進得旨
降付國史院然其中闕疑尚多希弁嘗為補註一書頗
為詳備云

寧宗皇帝紀十卷

右四朝國史中之本紀也

續稽古錄一卷

右太社令龔頤正續司馬文正稽古錄之書也文正止

於治平願正起於熙寧而迄於寧宗之初袁說文棻於
成都趙彥勵復棻於長沙未幾有毀板之旨云

通鑑問疑一卷

右秘書丞高安劉恕字道原嘗與司馬公修通鑑司馬
公深愛其博學每以所疑問焉恕子羲仲纂集其往復
相難者而作此書十國紀年序附於後

綱目發明五十九卷

右建康布衣尹起莘所著以發明綱目義例別之傑帥

金陵進其書於朝魏文靖公了翁為之序

綱目論斷二十卷

右江珪呂中論大書以提要正變例而為之斷云其間所載徐清叟跋有以知端平初元通鑑綱目上塵乙覽之因

雜史類

靖康傳信錄三卷

右李忠定公綱為尚書右丞充親征行營使及以知樞

密院事為河北河東路宣撫使時事也

建炎進退志總序四卷

右李忠定公綱為正議大夫尚書右僕射兼中書侍郎
至於罷為觀文殿大學士提舉杭州洞霄宮時事也

建炎時政記三卷

右李忠定公綱所編也自建炎元年五月一日以後至
於八月十八日

紹興正論一卷

右編錄秦檜當國羅織諸賢或死於市朝或死於圜圜或死於貶所或流落於魑魅之區累赦不移或棲遲於林泉之下屏跡不出者一百一十八人姓名與其獲罪之因但云瀟湘樵夫序不知其為誰也

朝野遺事一卷

右趙子崧伯山所著記中興以前凡一百二十有五事自號鑑堂居士終於延康殿學士右中奉大夫淳熙中周益公帥長沙命項安世丁朝佐楊長孺讐校而刻之

朝野雜記甲集二十卷乙集二十卷

右李心傳微之所編中興以來之事也繫年錄蓋倣於此

史評類

讀史管見三十卷

右致堂先生胡寅明仲所著也意謂二百四十二年之後至於五代司馬文正所述資治通鑑事雖備而立義少遂用春秋經旨尚論詳評晦菴綱目中多取之猶子

大壯序其說孫德輿刻於衡陽

讀史明辨二十卷

右伊川元城龜山了齋橫渠屏山橫浦五峰東萊南軒
止齋致堂十二先生史論也

史說十卷

右東萊先生呂成公之說也

史評六卷

右誠齋先生楊文節公萬里之說也

西漢鑑十卷

右國子博士吳華所著也王容為之序

兩漢博議二十卷

右陳季雅彥羣所撰也

唐史論斷二卷

右朝散大夫尚書刑部郎中充天章閣待制兼侍讀孫甫之翰所撰也甫陽翟人國史有傳

唐論二卷

右宣教郎前太平州州學教授王居中撰程公許韓祥韓補皆序之

職官類

漢官考四卷

右徐筠孟堅所著也西京二百年品秩爵列位號名數自三公而下至於筦庫釐為十九門總一百四十九條常楫為之序孟堅清江人淳熙甲辰進士

職官分紀五十卷

右孫逢吉彥同所集也以楊侃職林而廣之其載新制而又增門目之亡缺補事實之遺漏元祐中趙叡秦觀為之序

職源五十卷

右王益之等所編歷代置官本末也官之故實職之典掌前賢遺跡先朝訓詞以次列焉

翰苑羣書二卷

右唐李肇翰林志元稹承旨學士院記韋處厚翰林學

欽定四庫全書

卷五上

士記韋執誼翰林院故事楊鉅翰林學士院舊規皇朝
禁林讌會集為一卷錢惟演金坡遺事晁迥別書金坡
遺事李宗諤翰苑雜記為一卷蘇易簡續翰林志蘇耆
次續翰林志學士年表翰苑題名翰苑遺事為一卷

祖宗官制舊典二卷

右東萊蔡元道所編也其子興宗叙於後云追記祖宗
舊典凡設官任職治民理財之要與夫分別流品謹惜
名器之道合七十七門云

玉堂雜記三卷

右周益公必大記玉堂中事也丁朝佐謂九重之美德前輩之典刑恩數之異同典故之沿革皆因事而見之云

鑒坡錄一卷

右周益公必大記初除翰林日制誥表章也

刑法類

養賢錄二十二卷

右王日休所編也以嘉祐元豐政和紹興勅令格式嘉祐政和祿令紹興祿秩吏部七司條法紹興免役令叅攷編類其舊法不行於今者亦存之以見沿革云日休字作德釣臺人也

治縣法十卷

右呂惠卿所著也曰法令曰詞訟曰刑獄曰簿厯曰催科曰給納曰災傷曰盜賊曰勸課曰教化惠卿自序於前紹聖二年九月也所在多刊此法豈非不以人廢言

與

常平役法一卷

右紹興以來臣僚申請士民陳訴備載於中按朱文公語錄乃朝廷頒降者

儀註類

儀禮經傳通解續纂祭禮十四卷

右朱文公編集而喪祭二禮未就屬之勉齋先生勉齋既成喪禮而祭禮未就又屬之楊信齋信齋據二先生

藁本叅以舊聞定為十四卷為門八十一鄭逢辰為江
西倉進其本於朝信齋福州人名復字茂才書既奏贈
文林郎

家禮五卷

右朱文公所定而趙崇思刻之萍鄉者潘時舉李道傳
黃榦廖德明陳光祖序跋附焉

家禮附註五卷

右陳雷刻於溫州學宮者凡九十九條

呂氏鄉約一卷

右二書呂和叔李明所定也朱文公記於後

司馬公居家雜儀一卷

右溫國文正公光所著也

天文卜算類

躔度分野列宿圖三卷

右自河圖洛書以及列宿圖其象於上而列漢晉隋志之說於下

律呂本原一卷

右蔡元定季通所著也曰黃鐘曰黃鐘之實曰黃鐘生
十二律曰十二律之實曰變律曰律生五聲圖曰變聲
曰八十四聲圖曰六十調圖曰候氣曰審度曰嘉量曰
謹權衡凡十三篇云

五行類

拜命歷一卷

右趙景先集其自序曰此書常式陰陽家莫能曉今則

不敢傳諸該博愚嘗得自名流用之皆驗故集成此以示子孫自非洞於此道他人幸勿妄傳也趙師俠誌於後

地理類

長安志二十卷

右龍圖閣直學士右諫議大夫修國史常山宋敏求所撰也熙寧九年二月五日太常博士充集賢校理崇文院檢討同知宗正丞事趙彥若序敏求亦嘗為河南志

時以朝奉郎守太常丞充集賢校理編修唐書官通判
西京留守司兼畿內勸農事飛騎尉署銜元豐六年二
月戊辰端明殿學士兼翰林院侍讀學士司馬光序讀
書志中有河南志而無長安志云

職方乘三卷後集十四卷

豫章

右洪芻所編也曰郡縣曰城宇曰山曰水曰觀寺曰祠
廟曰冢墓曰寶瑞曰妖異曰牧守曰仙真曰人物凡十
二部芻字駒父自少以詩名取重於時登進士第為晉

州學官山谷素稱其才嘗曰甥之文學他日當大成但願極加意於忠信孝友之地甘受和白和采不但用文章照映今古乃所望也又嘗作釋權以遺山谷山谷答曰筆力縱橫極見日新之功芻之名因是益顯靖康之初為尚書郎三遷至諫議大夫遭變坐事貶文登有老圃集行於世續之者淳熙中帥程叔達也李大異序於後

建康志十卷續志十卷

右御史正志所修而為之序乾道五年三月也慶元六年八月帥吳玕續之又為之序

長沙志五十二卷

右紹興辛亥帥趙善俊修而為之序

宜春志十卷集八卷續修志四卷集六卷

右嘉定中守滕強恕修郡人張嗣古序續志集則嘉熙初守郭正已也

桂海虞衡志三卷

右范文穆公成大帥靜江日志其風物土宜也自為之序

靜江志十二卷

右嘉泰癸亥帥蔡戡修以高宗皇帝除太傅靜江奉寧軍節度使桂州牧兼鄭州牧制詞冠於篇端

永寧編十五卷

右嘉定中守留元剛序陳謙所述也敘州敘縣敘山敘川敘賦敘役敘兵敘人敘產敘祠敘遺凡十一類

桃花源集一卷

右紹聖丙子四明姚萼序淳熙庚子邑宰趙彥琇俾新
澧陽簿張櫟重修備載晉唐本朝諸公詩文

海南集二十三卷後集十二卷

右海外瓊管之集也於中可見丁晉公蘓長公趙豐公
折仲古李泰發胡邦衡諸公之文

臨江集三十四卷

右嘉定中守楊恕編郡人劉昌詩序

景陵志十四卷

右嘉定庚辰郡文學林英發修詩文集錄附焉唐陸鴻漸皮日休陸龜蒙皇朝朱昂宋祁晏殊吳育楊徽之蘇紳石延年王禹偁張耒諸公之作為多

邵陽志一卷

右淳熙壬寅郡文學李韋之序

陵水志三卷

右慶元丙辰郡文學劉奕修詩文附

臨賀志三卷集二卷

右莫詳誰所修也集以蘇東坡答彭賀州啟為冠

淶江志十二卷

右嘉定中邑令張耕修

龍江志十卷

右嘉定庚午邑丞紹古修令沈燮序

鈴岡志三卷

右嘉定甲戌邑令謝好古修

瑞陽志十卷縣志三卷

右嘉定六年郡守周綸修郡人雷孝友序

梅川志三卷

右寶慶丙戌重修清江張洽序

秋浦新志十六卷

右端平丙申江東倉使兼知池州王伯大修自為序

富川志三卷

右嘉定甲申守李壽朋修

寧越志三卷

右慶元改元郡守林會修

南嶽總勝集三卷

右紀載南嶽之勝槩也

水簾詩集三卷

右編集水簾洞之詩文也

浯溪集前後續別四集

右自元結中興頌之後凡刻之浯水之崖者皆在焉

卷雪樓集二卷

右集富池昭勇廟記序詩文也廟乃三國甘寧累封昭毅武惠遺愛靈顯王

靈應後集十二卷

右集梓潼廟誥勅記敘詩文也范鎮張浚胡世將王剛中王之望晁公武諸公祝文為多亦有唐僖宗之祝文

富文忠八國語錄一卷

右富弼慶厯二年以右正言知制誥為回謝契丹國信

使西上閣門使符惟忠副之惟忠行至武強病卒以知
貝州供備庫使恩州團練使張茂實代之所說機宜事
件具載錄中弼所爭者獻納二字朝廷竟從晏殊議用
納字弼不預也

章忠恪奉使金國語錄一卷

右紹興三年章誼以龍圖閣學士樞密都承旨充軍前
奉表通問使給事中孫近副之誼錄其報聘之語也誼
字且叟

攬轡錄二卷

右范成大乾道六年以資政殿大學士左中大夫醴泉觀使兼侍讀丹陽郡開國公食邑三千戶食實封八百戶與崇信軍節度使領閣門事兼客省四方館事信安郡開國侯食邑一千六百戶食實封四百戶康濟為奉使大金國信使副其往返地理日記也成大字至能吳縣人紹興二十四年進士使金歸除中書舍人淳熙五年叅知政事自號石湖孝宗皇帝御書二字以賜之

禹貢疆理廣記六卷

右長沙易被編而為之說

方輿勝覽四十三卷後集七卷續集二十卷

右建安祝穆和父編新安呂千伯可序

仰山孚惠廟實錄二十八卷太平興國禪寺附

錄六卷

右嘉定庚午潘侃重編郡守鄭昉誌於後希弁自庚午以後續錄之為五卷

夢華錄一卷

右夢想東都之錄也宋敏求京城記載坊門公府宮寺第宅為甚詳而不及巷陌店肆節物時好孟元老記錄舊所經歷而為此書坦菴趙師俠識其後

金國承安須知一卷

右金國名諱及增修朝官職事俸給格式服制地理圖之類也承安蓋金主之璟之紀元也時惟丁巳乃寧宗皇帝慶元三年云

傳記錄

古列女傳八卷

右漢都水使者光祿大夫劉向撰又一卷莫知其為誰
續然亦載於崇文總目王回曾鞏皆序之

百將傳十卷

右東光張預公立所進也由太公而下至於五代之劉
詞凡史辭泛漫而不切於兵者一刪去之或非兵畧而
可以資人之智慮者間亦存焉各以孫子兵法題其後

次以行事合之

諸葛忠武侯傳一卷

右南軒先生張宣公栻所著也

四將傳四卷

右建炎中興名將劉琦岳飛李顯忠魏勝之傳也史官章穎撰而上之

十二朝名臣言行錄七十二卷

右八朝朱文公所編也四朝乃後人所續者

豐清敏遺事一卷

右李朴所編豐公稷之言行也陳瓘敘次及復官賜諡制尋訪子孫劄子國史列傳附於後朱文公為後序云

范太史遺事一卷

右范冲所編正獻公祖禹言行也

趙豐公逸事一卷

右門人喻樗方疇諸人所記也

季忠定公行狀三卷

右公之弟綸所述也太常博士兼實錄院檢討官葉適所撰謚議附於後

胡文定公行狀一卷

右公之子寅寧宏所述也其孫大壯手書而傳之因附入曾玄諸孫名

朱文公行狀一卷

右門人黃幹所作也

道命錄五卷

右秀巖李心傳所編也自司馬公呂申公韓康公薦伊
川先生劄子至於嘉定錄用伊川先生後人詔旨中間
朝臣之奏疏儒宗之謚議纖悉備載道學興廢至京師
議樂歲餘為光祿寺丞國子監直講遷大理寺丞嘉祐
中遷太子中允充天章閣侍講已而又以病不能朝復
以太常博士致仕東歸之日太學之諸生與賢士大夫
送之東門執弟子禮路人嗟歎以為榮卒年六十七世
系乃淳熙中沈大臨述

周元公年譜三卷

右南康所刊也以元公出處譜之以年公所作詩文之類附見焉倪灼跋

橫渠先生張獻公年譜一卷

右先生之孫同然所編也譜先生之出處歲月墓表謚議封誥及司馬文正謚議之帖魏文靖公請謚之表并哀辭之類附焉希弁又以先生行狀補其闕

三蘇先生年譜一卷

右左朝請大夫權發遣成都府路提點刑獄公事何榆
編

山谷先生年譜一卷

右先生諸孫璠所編也悉譜先生所為詩文於逐年之
左極為詳備云

朱文公年譜三卷

右先生門人李方子所編也廬壯父刻之於瑞陽者為
三冊倪灼刻於康廬者為一冊今兩存之

諸子類

御解老子二卷

右徽宗皇帝之御製也嘗做唐制命大臣分章句書寫刻石又詔史記老子傳陞於列傳之首自為一帙前漢古今人表列於上聖今觀此解所謂道者人之所共由德者人之所自得道者亘萬世而無弊德者充一性而常存老子當周之末道降而德衰故著書九九篇以明道德之常而謂之經其辭簡其旨遠學者當默識而深

造之其說大槩與政和之詔同

鬻子十四篇

右楚人鬻熊之書也逢行珪序而註之漢藝文志云鬻子六篇今此本乃十四篇未詳孰是然篇或錯亂又多遺闕行珪之說已然矣唐藝文志列於老子之前蓋謂其為文王師也

列子九卷

右列子一書漢唐及本朝藝文志皆謂八卷政和中宜

春彭俞為積石軍倖聞高麗國列子十卷得其第九篇
曰元瑞於青唐卜者神宗皇帝嘗惡後漢范曄姓名欲
更修之求東觀記久之不得繼而高麗以其本來上裕
陵厭代遂不及進元和中高麗使人言狀訪於書省無
知者醫官已死於其家得之信乎高麗之多異書也

孔叢子七卷

右孔子八世孫鮒集先君仲尼子思子上子高子順之
言及已之行事凡二十一篇為六卷名之曰孔叢子蓋

言有善而叢聚之也孔臧又以其所為賦與書謂之連叢上下篇為一卷附之卷末其書不見於漢唐藝文志嘉祐四年提點廣南西路刑獄公事兼本路勸農事朝散郎守尚書屯田郎中上輕車都尉宋咸始為註釋以進

慎子一卷

右瀏陽人慎到之書也唐藝文志云慎子十篇慎到撰
滕輔註蓋法家云

公孫龍子三卷

右唐藝文志列於名家陳嗣古賈大隱皆嘗為之註今不辨矣孔叢子第四卷有公孫龍子一卷

劉子五卷

右劉晝字孔昭之書也或云劉勰所撰或曰劉歆之制或謂劉孝標之作袁孝政為序之際已不能明辨之矣唐藝文志列於雜家

聶隅子二卷

右閩人黃晞之書也晞好讀書聚數千卷學者多從之
著聲隅歛歛瑣微論石介為直講聞其名使諸生如古
禮執羔鴈束帛就里中聘之以補學職晞固辭不就故
歐陽文忠公哭徂徠先生詩云羔雁聘黃晞晞驚走隣
家是也嘉祐中韓魏公為樞密使薦之以為太學助教
受命而卒或曰有子甚愚魯所聚及自著書多散失不
存

子家子一卷

右眉山家願養正之書也無卷帙篇目姑附於諸子後

莊子解四卷

楊子解一卷

右荆國文公王安石所解也

農家類

農書三卷

右平江陳峻景文所述唐元宗因李泌之請以二月朔為中和節令百官進農書以示務本而其書不見於史

景文輯六經中所載農圃之事參以田牛蠶桑等為此編以補史記之闕謝良齋謬為之序

社倉本末一卷

右真文忠公帥潭日所編也其自序云剔其大要使後之君子得以覽觀焉蓋今日之所講求雖不敢不極其至而後來之弊終有不能逆計者存諸家之規畫所以備後日之叅攷也太師史公浩尚書韓公某丞相趙公汝愚舉子條約附焉其說蓋欲揅愚俗殺子之禍云

雜說類

世說新語三卷

右宋臨川王義慶撰梁劉孝標注讀書志引唐藝文志及崇文總目有十卷八卷之疑又云一本極詳一本殊畧未知孰為正希弁所藏本有紹興八年董弁題其後曰右世說三十六篇世所傳釐為十卷或作四十五篇而末卷但重出前九卷中所載余家舊本蓋得之王原叔家後得晏元獻公手自校本盡去重複其注亦小加

剪截最為善本云

宋景文雜詠集二十卷

右宋景文公祁所集也讀書志云雜詠集十卷未詳撰人希弁所藏二十卷題曰宋景文雜詠集有建炎九年黃邦俊序

孔氏談苑五卷

右孔平仲毅父記錄之文也毅父清江人文仲武仲之弟有續世說行於世

孔氏雜說一卷

右孔平仲穀父之記錄也圖志謂之珩璜論

公是先生弟子記一卷

右劉敞原父之說也謝良齋得之於劉司業惇以遺清江守江溥刻之趙不黯以閣下本校正而識其後云如叔貢問尚書記人之功下闕五段梓慶削木為鐻至不敢以爵賞撓其慮下缺七段文勢差錯至不可讀其他以二段為一段為二者皆正之

東萊呂紫微雜說一卷師友雜志一卷詩話一

卷

右呂本中字居仁之說也鄭寅刻之廬陵

春明退朝錄五卷

右宋常山公敏求所錄也讀書志云春明退朝錄三卷
希弁所藏一本三卷又一本五卷凡多七十有八條云

侯鯖錄八卷

右聊復翁趙令時德麟之說也取王氏五侯鯖之義而

名之

避暑錄十五卷

右葉夢得少蘊之說也少蘊蘇州吳縣人紹聖四年進士建炎初為翰林學士拜戶書遷尚書左丞終於崇信軍節度使自號石林云

能改齋漫錄二十卷

右吳曾虎臣所纂也曰事始曰辨誤曰事實曰泐襲曰地理曰議論曰記詩曰紀事曰記文曰類對曰方物曰

樂府曰神仙詭怪曰詼諧戲謔一一載之曾臨川人嘗
主奉常簿入玉牒為檢討官能改齋乃其自謂云終於
吏部郎

揮麈錄後錄第三錄揮麈餘話二十三卷

右王明清仲言之說也明清汝陰人載朝廷典故賢哲
言行為多

辨志錄一卷

右呂東萊祖謙伯恭所著也四明樓鑰序之

管見錄二十卷

右吳莘商卿之說也論經史并歷為詳商卿建寧人嘗為國子博士序則倪思

典刑錄二十卷

右吳宏子大所錄也杜東子野為之序蓋分門編次先正諸公之言行也

項氏家說十卷附錄四卷

右項安世平父之說也說經史文學為甚詳平父江陵

人自號平庵辛克承刻于江陵郡齋而為之識

容齋隨筆十六卷續筆十六卷三筆十六卷四

筆十六卷五筆十卷

右洪文敏公邁字景盧所著也何異序之

塵史三卷

右王得臣字彥輔所記也其自序云自朝廷至州里有
可稱可法可鑒可戒者類以相從云得臣自號鳳臺子

却掃篇三卷

右睢陽徐度所著也度字中立丞相處仁之子嘗為吏部侍郎

示兒編前後集二十四卷

右孫奕季昭所編也蘇大章諸人題於後

兵家類

八陣圖風后握機文馬隆八陣贊獨孤及八陣

記四卷

右蔡元定季通所編次也

車弈或問一卷

右知興國軍胡逸駕所述也自序於前附車戰利害奏劄於後

類書類

文章緣起一卷

右梁太常卿任昉彥升所集也自秦漢以來聖君賢士所為文章名之所始備見於中

古今注三卷

右晉太傅丞崔豹正熊所註也一輿服二都邑三音樂
四鳥獸五蟲魚六草木七雜註八問答釋義

尊號錄一卷

右宋元憲公庠所編也自漢至於仁宗有序有評有贊
龍圖閣學士提舉寶錄宮宋康年進

十七史類七十七卷

右三山鄭某所編也自周而下每一事相類則編而次
之

西漢總類二十六卷

右沈長卿文伯所編也隨事立門隨門類事他傳所載
總而歸一雖注中有所取者亦皆掇拾而裒集之長卿
雪川人也乾道改元信州教官吳瓊景玉序

唐鑑五十卷

右張文忠公九成所著也公嘗謂紀志出於歐陽公列
傳出於宋公天文律歷五行志則劉義叟為之方鎮百
官表則梅堯臣為之禮儀兵制初出於王景彛未竟而

卒每患首尾不相貫屬遂總其條網稽其同異類聚而區別之

事物紀原十卷

右高承編自天地生植與夫禮樂刑政經籍器用下至博奕嬉戲之微蟲魚飛走之類無不攷其所自來承開封人雙溪項彬序

補註事類賦三十卷

右吳淑所進也始淑進一字賦百首為二十卷奉旨令

其注釋遂廣為三十卷云淑勃海人

事文類聚六十卷

右祝穆和父編門分臚列各以羣書要語冠其首次之以古今事實又次之以詩文全篇凡天文地理人事服食器具草木蟲魚靡不備載呂午伯可為之序

秘府書林二十二卷

右張文伯正夫所編曰天文曰律厯曰五行曰地理曰食貨曰選舉曰百官曰禮樂曰輿服曰祭祀曰藝文曰

兵刑凡十二類攷訂歷代及本朝史志為甚詳

國朝會要一百五十卷

右國朝會要起建隆止慶歷凡八十五年章得象所進者

總類國朝會要五百八十八卷

右總類國朝會要由建隆而至乾道也始仁宗命章得象編起建隆止慶歷為一百五十卷神宗又命王珪續編慶歷四年以後至熙寧末凡三十四年通前為三百

卷徽宗詔王覲曾肇續編元豐至元符尋又詔起治平四年止崇寧五年凡四十二年然二書皆弗克成政和末有司獨上吉禮三類總一百五十卷蓋通章得象王珪所編者益以熙寧後事也紹興九年詔館職續編至三十一年又降趣旨孝宗命宰相提舉閱再歲乃成自神宗之初至於靖康之末凡六十年總三百卷厥後中興乾道踵而成之此集則合十一廟為一書也然中多節畧而始末不全者

會要詳節四十卷

右御史知雜范師道所編也讀書志云節會要十二卷
希弁所藏乃四十卷前有序云師道所節四十卷先後
詳綴無異全本紹興小臣王容清謹題

皇朝大詔令二百四十卷

右宋宣獻公家所編纂也皆中興以前之典故嘉定三
年李大異刻於建寧

本朝事實三十五卷

右莫詳編者姓氏祖宗世次登極紀元詔書聖學御製
郊廟道釋玉牒公主官職爵邑勛臣配享宰執拜罷科
目儀注兵刑律歷籍田財用削平僭偽陞降州縣經畧
夷狄之類具載本末又如聖德頌旌忠碑之類皆載之

紹述熙豐政事十卷

右政和八年十月一日詔云可以紹述熙豐政事書布
告施行此即布告之本也其列詔書於前而載十一人
姓名於後今詳書之以見當時之官制云承務郎試明

堂平朔頒朔兼禮制局校正內經檢討官臣黃次功承
奉郎守明堂總章頒朔臣李伯全宣教郎守明堂青陽
頒朔臣嚴裕朝請郎明堂頒朔臣徐秉哲宣教郎試明
堂頒事臣蔡卞朝散郎試明堂頒事臣陳公彥朝奉郎
試明堂頒政國史編修官臣許翰通侍大夫康州防禦
使提點龍德太一宮提舉八內醫官編類聖濟經提舉
太醫學明堂頒朔布政詳定官臣曹孝忠翰林學士知
制誥兼侍講同修國史明堂頒朔布政詳定官充編類

御筆所禮制局詳議官臣張邦昌檢校少傅護國軍節度使中太一宮使直宣和殿明堂兼在京神霄玉清萬壽宮提舉通領頒朔布政詳定事臣梁師成宣和殿大學士上清寶籙宮使兼神霄玉清萬壽宮副使兼侍讀明堂頒朔布政詳定官編類御筆詳議臣蔡攸

崇觀政宣詔令章奏二十卷

右徽宗皇帝朝詔令章奏分門而類次之

隆平典章三十卷

右建炎至乾道之詔旨及御製之文奏對之章誥詞謚
議之類皆分門而敘之如孔子七十二子贊及損齋記
皆在焉

高宗寶訓七十卷

右嘉定六年十月史官所上本也

內治聖監二十卷

右彭忠肅公龜年為起居舍人兼皇子嘉王府直講日
所進也上自九重后妃世子旁及宗藩戚里下至官寺

胥吏以類紀之而外廷百司庶府不與焉公字子壽清
江人自號止堂

太平治迹統類四十卷

中興治迹統類三十五卷

右倣通鑑紀事本末條例統而類之事撮其綱辭舉其
要上自藝祖而下至於孝宗凡二百門云眉山彭百川
編集

雜藝術類

文房圖贊一卷

右和靖後人林可山撰自筆硯而下皆為之官稱圖其像於前而列其贊於後序謂唐韓愈舉頴為中書他竟無所聞今圖贊一十八人擬以官酬之俟異日請於朝罔俾昌黎顓美有唐

采選集四卷

右莫詳誰氏作初彩選格起於唐李邵本朝踵之者有趙明遠尹師魯元豐官制行有宋保國皆取一時官制

為之至劉黃父獨因其法取西漢官秩陞黜次第為之
又取本傳所以陞黜之語注其下局終遂可類次其語
為一傳博戲中最為雅馴此集尤詳且悉曰階官曰職
名曰科目曰賞格曰服色曰俸給曰爵邑謚法之類無
一不備

醫家類

御製聖濟經十卷

右徽宗皇帝所製也政和八年五月十一日詔頒之天

下學校九月二十四日大司成李邦彥等言乃者從侍
臣之請令內外學校課試於聖濟經出題臣等切謂今
內經道德經既已選博士訓說乞更以聖濟經附二經
兼講從之

陸宣公經驗方二卷

右唐陸宣公贄在忠州時所集而山陰陸游所跋也或
問朱文公曰陸宣公既貶避謗闔門不著書祇為古今
集驗方曰此亦未見陸宣公是處豈無聖賢經傳可以

玩索可以討論

濟世全生方指迷集三卷

右考城王貺字子亨所著也吳丞相敏序之曰子亨當官不苟遇世變嘗慨然再請出疆使萬里云

本草單方十五卷

右龍溪林能千編集列三十六門疏二百七十三目自為之序

鍼灸資生經七卷

右王執中所編也執中東嘉人嘗為從政郎澧州教授云

四時治要一卷

右永嘉屠鵬字時舉所著戴文端公溪為之跋

陳氏經驗方五卷

右書林陳先生集李文懿公壁為之序

神仙類

御序集註無量度人經二卷

右真宗皇帝御製序徽宗皇帝御書而註之會要云宣和六年八月四日詔賜左丞范致虛御書洞元靈寶無量度人經二部想即此本也別一本云建中靖國元年四月十三日奉聖旨鏤版而無序無註亦不載於會要朱文公云此經乃杜光庭撰

赤松子中械經一卷

右序云軒轅黃帝遇赤松子授中械經希弁嘗攷國朝大詔令云元符三年九月日制云赤松真君紀於仙籙

神農之師可加號赤松凌虛真君疑即此也然張良亦封忠佑凌虛真人云

玉皇本行集經三卷

右嘉熙四年臨安府承天靈應觀所刻蜀本也程公許序述為詳

九天生神章經三卷

右縣州冲虛觀道士王希巢隱賢解玉局散吏程公許為之序西蜀譙巖趙日休跋朱文公嘗謂此經亦杜光

庭所撰

西山十二真君傳一卷

右晉許遜吳猛陳勲周廣曾亨時荷甘載施岑彭杭盱
烈鍾離嘉黃仁覽皆得道於西山者政和王冊誥詞在
其中

皇宋拾遺仙傳一卷

右陳希夷張虛靜朱觀妙徐神公主侍宸劉靜一趙道
翁皇甫清虛之事蹟也其中所載御製及誥詞與夫詩

記之類為多

太上感應篇八卷

右漢嘉爽江隱者李昌齡所編也希弁生父師同嘗為之序四明史彌志跋其後曰趙公所序禍福善惡之報為尤詳可謂愛人以德者余嘗守袁喜袁人之樂於趨善因閱是序矍然起敬而程公許湯中維書之

竹宮表制一卷

右楊至質字休文太乙宮代言之文也自號勿齋聖上

嘗書二字以賜之休文謝表云先儒德秀嘗貽金石之文督府了翁復貢蟲魚之篆希弁云不若用臣真德秀臣魏了翁休文以為然

釋書類

御註四十二章經一卷

右御注未詳歲月希弁嘗聞朱文公云釋氏只四十二章經是他古書其餘皆中國文士潤色成之維摩經亦是南北時人作

御注大圓覺了義經二卷

右孝宗皇帝賜徑山興聖萬壽禪寺僧寶印者也前刻唐裴休序

大方廣佛華嚴經八十卷普賢行願品一卷

右于闐國三藏沙門實叉難陀譯序云天冊金輪聖祐皇帝製者唐武后也希弁嘗攷晉義熙中六十卷唐聖歷中八十卷普賢行願品乃正元十二年南天竺烏荼國王手書以進通為八十一卷厥後李長者製為合論

四十卷提舉坑冶鑄錢朝奉張大夫乃以經論合為一書云李忠定公綱曰廣博妙圓極諸經之閫奧莫如大方廣佛華嚴經精微條暢為華嚴之指南莫如李長者所製合論

妙法蓮華經七卷

右姚秦三藏法師鳩摩羅什譯經本十卷後三卷朝廷所禁云

楞嚴經解十卷

右王荆公安石所解也

圓覺經皆證論一卷

右臨川謝逸序謂王荆公嘗問真淨文禪師曰一切衆生皆證圓覺而圭峰禪師易證為具謂譯者之訛其義是否真淨曰圭峰之說非是真淨法子德洪述其師之說而為之論

淨土文一卷

右王日休所編歷陽張孝祥為之序日休字虛中龍舒

人嘗為國學進士

般若精義四卷

右金剛般若波羅密經解義也

寂感禪師法語五卷

右寂感禪師印肅語也程公許為之序淳熙中謝良齋
諤所作塔銘附

無庵法語一卷

右孟少保琰與公安僧法東往復之語也陳舜趙希孺

為之序

郡齋讀書志卷五上